

UGOVOR
O MEĐUSOBNIM PRAVIMA I OBAVEZAMA FEDERALNOG MINISTARSTVA
UNUTRAŠNJIH POSLOVA - FEDERALNOG MINISTARSTVA UNUTARNJIH POSLOVA
I UPRAVE POLICIJE MINISTARSTVA UNUTRAŠNJIH POSLOVA KANTONA
SARAJEVO U REALIZACIJI KURSA „OSNOVE KRIMINALISTIČKE TEHNIKE“ NA
POLICIJSKOJ AKADEMIJI FEDERALNOG MINISTARSTVA UNUTRAŠNJIH POSLOVA
- FEDERALNOG MINISTARSTVA UNUTARNJIH POSLOVA

:

Federalno ministarstvo unutrašnjih poslova - Federalno ministarstvo unutaršnjih poslova (u daljnjem tekstu: Federalno ministarstvo) koje zastupa federalni ministar unutrašnjih poslova dr. sc. Ramo Isak i Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), koju zastupa policijski komesar, generalni inspektor policije Fatmir Hajdarević, zaključuju ugovor o međusobnim pravima i obavezama u realizaciji kursa „Osnove kriminalističke tehnike“ na Policijskoj akademiji Federalnog ministarstva (u daljnjem tekstu: Policijska akademija).

II

Predmet ugovora su međusobna prava i obaveze Federalnog ministarstva i Uprave policije u realizaciji kursa „Osnove kriminalističke tehnike“ koji se održava na Policijskoj akademiji u organizaciji Policijske akademije u skladu sa Nastavnim planom i programom kursa „Osnove kriminalističke tehnike“.

III

Kurs „Osnove kriminalističke tehnike“ na Policijskoj akademije počinje 16. 3. 2026. godine i traje 10 (deset) radnih sedmica (uključujući i završni ispit).

Shodno Odluci Vlade Federacije Bosne i Hercegovine o visini troškova kursa „Osnove kriminalističke tehnike“ na Policijskoj akademiji Federalnog ministarstva unutrašnjih poslova - Federalnog ministarstva unutaršnjih poslova V. broj 1403/2024 od 29.08.2024. godine („Službene novine Federacije BiH“, broj 69/24) visina troškova ovog kursa za deset radnih sedmica i završni ispit, bez usluge smještaja i ishrane polaznika kursa i bez troškova osiguranja polaznika kursa za vrijeme dok se nalazi na kursu na Policijskoj akademiji, iznosi za jednog polaznika kursa 1.139,09 KM.

IV

Federalno ministarstvo se obavezuje da će za 2 (dva) polaznika kursa iz Uprave policije u periodu iz tačke III stav (1) realizovati kurs „Osnove kriminalističke tehnike“.

V

Uprava policije se obavezuje da će snositi troškove kursa „Osnove kriminalističke tehnike“ u iznosu 1.139,09 KM po jednom polazniku kursa, što za 2 (dva) polaznika kursa ukupno iznosi 2.278,18 KM.

VI

Federalno ministarstvo se obavezuje da će Upravi policije isporučiti fakturu za troškove kursa iz tačke V Ugovora u roku od 15 (petnaest) dana od završetka kursa na Policijskoj akademiji.



VII

Uprava policije se obavezuje da će odmah po prijemu fakture nadležne službe Federalnog ministarstva, a najkasnije u roku od 30 (trideset) dana od prijema fakture uplatiti troškove iz tačke V Ugovora u naznačenom iznosu na Depozitni račun Trezora kod Union banka d.d. Sarajevo broj: 102-050-00001066-98, vrsta prihoda 722621, općina 077, budžetska organizacija 1401001, sa naznakom svrhe doznake i uz obavezno unošenje broja računa koji se plaća.

VIII

Ugovorne strane su saglasne da će o svim pitanjima koja se odnose na status polaznika kursa na Policijskoj akademiji, za vrijeme trajanja kursa, odlučivati Policijska akademija.

IX

Uprava policije se obavezuje da će nadoknaditi eventualnu materijalnu štetu pričinjenu od strane polaznika kursa Policijskoj akademiji, prema iznosu koji utvrdi Komisija Federalnog ministarstva za procjenu materijalne štete.

X

Ugovorne strane su saglasne da će sve eventualne sporove rješavati sporazumno, a u slučaju nemogućnosti postizanja sporazuma kod nadležnog suda u Sarajevu.

XI

Ugovor stupa na snagu danom potpisivanja obje ugovorne strane.

XII

Ovaj ugovor je sačinjen u 6 (šest) istovjetnih primjeraka, od kojih svaka ugovorna strana zadržava po 3 (tri) primjerka.

**ZA UPRAVU POLICIJE
POLICIJSKI KURS SARAJEVO
Generalni inspektor policije**

Fatmir Hajdarević

Broj: 02-49/20
Datum: 17-03-2026

**ZA FEDERALNO MINISTARSTVO
MINISTAR**

dr. sc. Ramo Isak

Broj: 01-08-08/2-30-5-760/26
Datum: 11-03-2026